

Պ. Կեֆ / 1134-24  
03.04.2024թ

#Գրանցված է

«ԱՓՐԻՔՈԹԵՔ» ՓԲԸ-Ի ՏՆՕՐԵՆ ԱՆՆԱ ԳԵՎՈՐԳՅԱՆԻ

ՀՎՀՀ 02815766

ՀԱՍՑԵ Ք. ԵՐԵՎԱՆ, ԱՐԱՄԻ ՓՈՂ. 72,

ՀԵՌԱԽՈՍ+37491007060

Էլ. հասցեն [anna.gevorgyan@gotcha.cam](mailto:anna.gevorgyan@gotcha.cam)

**ԾԱՆՈՒՑՈՒՄ**

**Պայմանագիրը միակողմանի լուծելու մասին**

Համաձայն 2024 թվականի մարտի 26-ին «Հայփոստ» ՓԲԸ-ի և «ԱՓՐԻՔՈԹԵՔ» ՓԲԸ-ի միջև կնքված «Հայփոստ» ՓԲԸ-ի կարիքների համար համակարգչային ծրագրի սպասարկման ծառայությունների կատարման թիվ «ՀՓ-ԷԱՃԾՁԲ-24/10-2» համակարգչային ծրագրային ապահովման գնման պայմանագրի՝ (այսուհետ՝ Պայմանագիր) «ԱՓՐԻՔՈԹԵՔ» ՓԲ ընկերությունը պարտավորվել է կատարել պայմանագրով նախատեսված ծառայությունները 2024 թվականի մարտի 26-ից մինչև 2024 թվականի դեկտեմբերի 25-ը :

«ԱՓՐԻՔՈԹԵՔ» ՓԲ ընկերությունը 2024 թվականի մարտի 28-ի թիվ N 1/03/ՀՓ գրությամբ (կցվում է) Պատվիրատուին հայտնել է այն մասին, որ հրաժարվում է կատարել 2024 թվականի մարտի 26-ին «Հայփոստ» ՓԲ ընկերության միջև կնքված թիվ «ՀՓ-ԷԱՃԾՁԲ-24/10-2» պայմանագրով սահմանված իր պարտավորությունները :

Հիմք ընդունելով 2024 թվականի մարտի 28-ին «ԱՓՐԻՔՈԹԵՔ» ՓԲ ընկերության կողմից ներկայացված թիվ N 1/03/ՀՓ գրությունը՝ «Հայփոստ» ՓԲ ընկերությունը միակողմանի ամբողջությամբ լուծում է 26.03.2024 թվականին կնքված թիվ «ՀՓ-ԷԱՃԾՁԲ-24/10-2» պայմանագիրը, ինչպես նաև ստորև ներկայացված իրավակարգավորումները:

ՀՀ քաղաքացիական օրենսգրքի (այսուհետ Օրենսգրք) 408-րդ հոդվածի համաձայն՝ պարտավորության խախտում է համարվում այն չկատարելը կամ անպատշաճ (կետանցով ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը:

Նույն օրենսգրքի 466-րդ հոդվածի 3-րդ մասի համաձայն՝ պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը



թուլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված

Պայմանագրի 7.11 կետով սահմանված է, որ Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Պատվիրատուն այն ուղարկվում է նաև Կատարողի Էլեկտրոնային փոստին:

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու դեպքում պատվիրատուի ղեկավարի պատճառաբանված որոշման հիման վրա լիազորված մարմինը ընտրված մասնակցին ընդգրկվում է գնումների գործընթացին մասնակցելու բավույն չունեցող մասնակիցների ցուցակում: Պատվիրատուի ղեկավարի պատճառաբանված որոշումը լիազորված մարմինը հրապարակում է տեղեկագրում: Ընդ որում, սույն կետում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին ծանուցումը հրապարակելու օրվան հաջորդող տասներորդ օրը: Որոշումը կայացվելուն հաջորդող օրը այն գրավոր տրամադրվում է լիազորված մարմնին և մասնակցին: Եթե լիազորված մարմնին որոշումը ներկայացվելու վերջնաժամկետը լրանալու օրվա դրությամբ մասնակիցը կամ պայմանագիրը կնքած անձը վճարել է հայտի, պայմանագրի և կամ որակավորման ապահովման գումարը, ապա պատվիրատուն տվյալ մասնակցին ցուցակում ներառելու պատճառաբանված որոշումը չի ներկայացնում լիազորված մարմնին:

Հաշվի առնելով վերոգրյալը՝ տեղեկացնում ենք, որ Պայմանագրի միակողմանի լուծման արդյունքում պայմանագրի որակավորման ապահովման գումարը կազմում է 225.000 (երկու հարյուր քսանհինգ հազար) ՀՀ դրամ՝ համաձայն Հրավերի 10.2 կետի, և Պայմանագրի ապահովման գումարը կազմում է 150.000 (մեկ հարյուր հիսուն հազար) ՀՀ դրամ՝ համաձայն Հրավերի 10.3 կետի, որոնք անհրաժեշտ է փոխանցել «Հայփոստ» ՓԲԸ-ի կողմից բացված «1930003703150100» հաշվեհամարին:

Միաժամանակ տեղեկացնում ենք, որ «ԱՓՐԻԶՈԹԵԶ» ՓԲ ընկերությունը պարտավոր է սույն ծանուցումը ստանալուց հետո 5 (հինգ) քանկային օրվա ընթացքում «Հայփոստ» ՓԲԸ-ի կողմից բացված «1930003703150100» հաշվեհամարին վճարել որպես պայմանագրի

կատարման ապահովում՝ 150.000 (մեկ հարյուր հիսուն հազար) ՀՀ դրամ, և որպես  
որակավորման ապահովում՝ 225.000 (երկու հարյուր քսանհինգ հազար) ՀՀ դրամ :


Միաժամանակ տեղեկացնում ենք, եթե Ձեր կողմից վճարվի վերը նշված վճարումները, ապա  
Ձեր ընկերությունը չի ներառվի գնումների գործընթացին մասնակցելու իրավունք չունեցող  
մասնակիցների ցուցակում:

Հաշվի առնելով վերոգրյալը՝ ծանուցում ենք, որ Պայմանագրի միակողմանի լուծման  
արդյունքում Ընկերության կողմից տուժանքի ձևով ներկայացված պայմանագրի և  
որակավորման ապահովումները սահմանված կարգով կներկայացվեն Ընկերությանը  
սպասարկող բանկ՝ տուժանքի մասին համաձայնագրով սահմանված գումարները  
«Հայփոստ» ՓԲԸ-ի կողմից բացված հաշվեհամարին փոխանցելու համար: Վճարված  
կտրոնների բնօրինակները անհրաժեշտ է ներկայացնել «Հայփոստ» ՓԲԸ-ի գնումների  
կազմակերպչական վարչություն:

**ՀԱՐԳԱՆՔՈՎ՝**

**«ՀԱՅՓՈՍՏ» ՓԲԸ**

**ԳԼԽԱՎՈՐ ԳՈՐԾԱԴԻՐ ՏՆՕՐԵՆ**



**ԱՐԱՅԻԿ ԱԲՐԱՀԱՄՅԱՆ**



emotion recognition technology

Ել. - N 1/03/ՀԳ

28 03 2024թ.

ք. Երևան

ՀԱՅՓՈՍՏ ՓԲԸ ԳՈՐԾԱԴԻՐ  
ՏՆՕՐԵՆ ՊԱՐՈՆ ԱՐԱՅԻԿ ԱԲՐԱՀԱՄՅԱՆԻՆ

Հարգարժան պրն. Արայիկ Աբրահամյան,

Սույն գրությամբ ցանկանում եմ հայցել ձեր ներողամտությունը «ԱՓՐԻՔՈԹԵՔ» ՓԲԸ կողմից հրաժարվելու կատարել «ՀՓ-ԷԱՃԾՁԲ-24/10» ծածկագրով Էլեկտրոնային աճուրդի հրավերի հիման վրա կնքված Հայփոստ ՓԲԸ կարիքների համար համակարգչային ծրագրի սպասարկման ծառայության մատուցման պետական գնման ՀՓ-ԷԱՃԾՁԲ-24/10-2 պայմանագրով սահմանված ծառայությունները՝ 1 (մեկ) ՀՀ դրամ տարեկան սպասարկման գնով՝ անհնարինության պատճառով:

Ես, Աննա Գևորգյանս, ներկայացնում եմ «ԱՓՐԻՔՈԹԵՔ» ՓԲԸ ընկերությունը, հանդիսանալով սույն ընկերության համահիմնադիր-տնօրենը, անձամբ եմ մասնակցել ՀԱՅՓՈՍՏ ՓԲԸ կողմից կազմակերպված վերոհիշյալ ծածկագրով մրցույթին: Հաշվի առնելով տենդերային մրցույթի և մասնավորապես՝ "eauction.armeps.am" համակարգով մասնակցության առաջին փորձը, թյուրիմացաբար կատարել եմ մի շարք բացթողումներ, հասցնելով մեր ընկերության կողմից առաջարկվող գնառաջարկը մինջև 1 (մեկ) ՀՀ դրամի:

Հասկանալի պատճառներով մեր ընկերությունը ի վիճակի չէ կատարել վերոնշյալ պայմանագրով սահմանված ծառայությունների մատուցումը 1 (մեկ) ՀՀ դրամով:

Ուստի, հաշվի առնելով ստեղծված իրավիճակը, խնրում եմ լուծել վերոնշյալ պայմանագիրը և տալիս ենք մեր համաձայնությունը գանձելու հետևյալ գումարները՝ (1) որակավորման պահովման տուժանք՝ 225,000 (երկու հարյուր քսանհինգ հազար) ՀՀ դրամ (2) պայմանագրի ապահովման տուժանք՝ 150,000 (մեկ հարյուր հիսուն հազար) ՀՀ դրամ՝ Հավելվածներ 3.2 և 4.1-ում նշված «ԻնտելոԲանկ» ՓԲԸ մեր հաշվեհամարից:

Մեկ անգամ ևս ցանկանում եմ հայցել ձեր ներողամտությունը «ԱՓՐԻՔՈԹԵՔ» ՓԲԸ և անձամբ իմ կողմից՝ ստեղծված իրավիճակի և ձեզ պատճառված անհարմարությունների համար:

Հարգանքներով՝

Աննա Գևորգյան

Համահիմնադիր, Գործադիր տնօրեն

